

Signur, Dî dla vita, **sot al pëis dl Corona Virus** te periunse por duc i amarà y i more de chësta coia, por i doturs y duc chi che laora tles strotöres de assistënza y de aiüt, por chi che governëia y á da tó dezijiuns por le dagní. Sostëgn chi che é rová te dificultés economiches, che á pordü le post de laur y la fontana de davagn. Recordete de chi che á da combate cun problems soziai y psichics por gauja dles restriziuns. Dëidesse cun to amur y to aiüt da superé chësta crisa. Móstresse tû trus da pié indô ia y deuresse le cör un por l'ater ch'i portunse pro ala costruziun de to rëgn d'amur y de pesc. Amen.

SAN MARTIN Y LUNGIARÜ

L'ofize por les FAMILIES dla diozeja á ince en chësta ota dé fora n pice sföi che nes acompagnëia fora por l'Advënt cun reflesciuns, stories, cianties y propostas da pastelné. Vigni familia cun mituns y mitans che é tla ciasa di pici, tla scolina o tla scora elementara le ciafa; al vëgn partí fora te scora, scolina y ciasa di pici. Les families é bel inviadés da le tó ca y l'adoré edema por edema.

SAN MARTIN

Tl'injunta ala Plata dla Cöra ciafëise na plata da tigní insnöt dales 19.00 la devoziun dla pröma Domënia d'Advënt te ciasa, a chëra che les ciampanes nes invieia.

L'ann 2021 é n ann storich por la Musiga da San Martin de Tor: 100 agn dala fondaziun dla uniun. Por chësc iubileum vëgnel dé fora n calënder storich por l'ann 2021 cun fotografies y retrac dla storia dla musiga (dal 1921 cina sëgn). I calëndri podëise se tó jödapé de dlijia tratan le tēp d'Advënt (sabeda y domënia). Cun chësta racoiüda de fotografies orunse ciaré indô ti agn passá y ves lascé insciö n sëgn de nosta storia. Dlungia i calëndri é na scatora por chi che ô nes dé na picia spënora. Damperfora bel dilan de osc sostëgn!

Ite por l'Advënt cun la Uniun Teater La Val.

Vigni domënia d'Advënt ves aspeta la Uniun Teater La Val cun n pice video sön sù canai Youtube y Facebook dales 17.00 inant. Al é n invit da nes architè y sté n pü' adöm, serenamënter – ince insciö, te chësta maniera, aladô de chësc tēp. I se godun n per de menüc cun stories, rezëtes de checs y pinsiers lominusc.

Döt le bun a chi che complësc i agn de dezëmber

a San Martin: siur Franz Sottara che nen complësc 85 ai 25

a Lungiarü Marino Clara che nen complësc 89 ai 12

Angela Sorá Daporta che nen complësc 83 ai 27



Por les audanzas a chi che complësc i agn, präibel telefonede a 0474 523194 o 348 27 44 517, sc'al é n osc familiar che nen complësc 80 l'ann che vëgn.



Plata dles Ploanies San Martin y Lungiarü



siur ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunitè

29.11 - 06.12.20 nr. 1

PRÖMA DOMËNIA D'ADVËNT - A

Vangele do Merch 13,24-37

Avisa insciö dësses capì, canch'i odëis che döt cant chësc é tl sozede, che la fin é dan porta. Amen, i ves diji: Chësta generaziun ne passarà nia, čina che döt cant chësc ne sozed. Cil y tera passarà, mo mies parores ne passarà nia. Mo degügn ne conësc chël dé y chë ora, no i agnui dl cil, y gnanca le Fi, mâ le Pere. Metede averda, y stede muntri! Deach'i ne savëis nia, canche le tēp é chilò. Ara é sciöche cun n ël che à lascé súa čiasa, por se mëte söl iade: Al ti à surandè dōta la responsabilité a sū fané, a vignun so laür; le portier àl comanè de stè munter. Porchël stede muntri! Deache i ne savëis nia, canche le patrun de čiasa vëgn indô, sce da sëra o da mesanöt, sce dal čiant dl ial o da doman. Al ne dess nia, canch'al vëgn te n iade, ves urté tla sonn. Či ch'i diji a os, chël diji a duc: Stede muntri!



A ci dessun pa ti mëte averda te chësc monn scassé decá cun nosc cör sprigoré? Cater iadi nes amonësc Gejú tl vangele da incò: Stede muntri. Sté muntri amesa döt ci che sozed y s'arjigné a Chël Bel Dî y a Gejú che vëgn. Ester muntri é deplü co ma se descédé da doman y dauri i edli. Al é tres indô momënc ia por le de olach'i á l'ocajiun da sté munter, da mëte averda, da ciaré ci ch'al sozed y da odëi cal che é mi compit sëgn y chiló y da m'arjigné da incunté Gejú che vëgn. Ci che Gejú á dit ne passa nia y resta vëi, ince sce le monn pë atramënter. Mia fin sön chësta tera y la fin dl monn gnará dessigü adora o tert: I ne mëssi nia planifiché mia vita cun de gragn proiec, mo ester arjigné daite. Vire vigni de sciöch'al foss l'ultimo, zënza sté cun trica y zënza me lascé amatí dala tēma te mia vitalité.

EDEMA LITURGICA	SAN MARTIN	LUNGIARÜ	 En chësc ann liturgich "B" aldiarunse les domënies ia por l'ann le vangele do San Merch. Al é le vangele plü vedl, gnü scrit por grech incër l'ann 70 a Roma da Johannes Marcus, che ê n jorman de Barnabas, colauradû di apostui Paul y Pire. Le vangelist Merch á abiné adôm ci che gnô cunté y ê gnü scrit de Gejú, conties de mirachi, parabo-les, stories cun parores y inegnamënc de Gejú, dic y testimonianzes sura la pasciun. Chësc material ál arcuncé ite tl tēmp y ti posé olache Gejú â operé y á fat d'infora n vangele. Geograficamēter é chësc vangele partí sô insciô: - les opres y les pordiches de Gejú tla Galilea meton man cun Jan Batista, - le iade de Gejú fora por le teritore iudaich y pagan y l'istruziun di discepu, - le tru de Gejú sô cuntra Ierusalem, - les discusiuns y le conflit cun i capi di iüdes - la pasciun y la resurreziun. Cun so vangele ó le vangelist Merch nes incundé: Te Gejú á Idî mostré súa orenté da salvé la jënt. Gejú é le Messia impormetû, le Fi de Dî. Al scombat la potēnza dl malan, pardona i piciá, incûnda la orenté de Dî y protlamēia le rēgn de Dî. Deache la potēnza de Dî se desmostra tl'umanité umila de Gejú, ne vëgn so mister nia capí, no dai iüdes y gnanca da sù discepu. Pormó le comandant sot la crusc vëiga ite: "Veramēter, chësc chestian ê le Fi de Dî!" Ester cristians ó di: Ti jí do a Gejú tla fede, ti sacrifici, tla desponibilité al sorvisc y ala soferēnza y sintí insciô la forza dl rēgn de Dî. Cun so vangele ó le vangelist Merch renforzé la fede ti pagans gnüs cristians che gnô porseghitá y i incorajé da ti mantigní la fedelté a Gejú Crist.
29.11.20 PRÖMA DOMËNIA D'ADVËNT - B <i>Domënia dla Dlijia te ciasa dales 19.00 sona les ciampanes</i>	9.00 Corona 9.30 Gran Mëssa/Rorate y benedisciun dles gherlandes d'Advënt dl ann + Emma Conrater +++ Sabina, Sepl y Milio Flöss 19.00 Devoziun d'Advënt te ciasa	7.55 Corona 8.15 Gran Mëssa/Rorate y benedisciun dles gherlandes d'Advënt + siur Heinrich Videsott 19.00 Devoziun d'Advënt te ciasa	
30.11.20 Lönesc <i>Sant André apostul</i>			
01.12.20 Dedolönesc <i>Natalia, Charles de Foucauld</i>	19.00 Mëssa/Rorate fam. Festini Pescollderungg + Maria Dapunt Erlacher		
02.12.20 Dedemesaledema <i>Luzius, Bibiana</i>		7.30 Mëssa/Rorate +++ Iaco, Carlo, Roslinda Deiaco + Vito Clara ++ dl Caizer	
03.12.20 Jöbia <i>Franz Xaver, Emma</i>	7.30 Mëssa/Rorate + Mariangel Tavella, Cëch + Lidvina Costa Corona por vocaziuns		
04.12.20 Pröm vëndres <i>Barbara, Jan Nepomuk Tschiderer, Adolph Kolping</i>	domisdé Provijiun di amará 18.30 Adoraziun chîta 19.00 Mëssa/Rorate ++ Loise y Paul Videsott + Hubert Tolpeit	7.00 Adoraziun 7.30 Mëssa/Rorate + Ferdinando Clara ++ fam. Sepl y Maria Clara, Sanví dedô Provijiun di amará	
05.12.20 Sabeda <i>Anno, Reinhard</i>	17.30 Mëssa prefestia/Rorate <i>(cun siur Klaus)</i> fam. Hermann Costabiei ++ Otto y Paula Clement (dl ann)	19.00 Mëssa prefestia/Rorate por la Uniun di Èi <i>(cun siur Klaus)</i> ++ de Iachin vis y def. Camura dl ann + Sisto Clara dl ann + Magdalena Clara Dapoz	
06.12.20 SECUNDA DOMËNIA D'ADVËNT - B <i>San Micurá</i>	9.00 Corona por vocaziuns 9.30 Gran Mëssa/Rorate por la Comunité fam. Sepl y Hannele Frenner + siur Vito Rubatscher	7.55 Corona 8.15 Gran Mëssa/Rorate por la Comunité	